

Elektroprivreda Bosne i Hercegovine planira da u naredne tri godine započne gradnju pet novih postrojenja za proizvodnju električne energije, među kojima su vetroelektrana “Podveležje”, male hidroelektrane na Neretvici, kao i hidroelektrane “Janjici” i “Una Kostela-Aneks”. Ukupna ulaganja u ovom periodu biće 859 miliona eura, navodi se u Planu poslovanja ovog državnog preduzeća za period od 2018. do 2020. godine.

Gradnja bloka 7 u termoelektrani “Tuzla”, vjetroparka “Podveležje” i MHE na Neretvici trebalo bi da počne u 2018, a HE “Janjici” i HE “Una Kostela-Aneks” do kraja 2020. godine. “Cilj je da do kraja trogodišnjeg planskog perioda 2018.-2020. dva projekta budu u pogonu, vetropark “Podveležje” i MHE na Neretvici (I faza)”, ističe se u Planu poslovanja, koji je usvojen na vanrednoj skupštini Elektroprivrede BiH - Sarajevo d.d.

Elektroprivreda BiH planira da proizvede 21.873 GWh električne energije u periodu 2018-2020. godine sa planiranim godišnjim prihodom od više od 500 miliona eura.

Prema izvještaju o poslovanju u 2017. godini, Elektroprivreda BiH je zabilježila gubitke od 11 miliona eura zbog nepovoljnih hidroloških uslova i povišenih troškova. Planirani profit za 2018. godine je osam miliona eura, a za 2019. godinu 17 miliona eura.

Izvor: mojaokolina.ba